



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ecclesiasticorum Vita, Moribus, Officiis Libri Tres**

**Schevichavius, Gisbertus**

**Mogvntiae, Anno M.DC.XXI.**

Capvt XV. Sacerdotes Mirabili Modo Saluatoris generatores.

**urn:nbn:de:hbz:466:1-42349**

faurus est Deus, qui idē Deus & pars & hæreditas Clericorum esse debet. 5. Angeli sapientissimi sunt, 2. Reg. 14. v. 20. decet & Clericos diuinæ legis peritos esse, Malach. 2. v. 7. Tit. 1. v. 9. 6. Angeli promptissimi sunt ad diuinum obsequium eumque Dominum suum assidue collaudant. Ps. 102. Isa. 6. Apoc. 5. Et his dicitur Ps. 133. v. 1. *Ecce nunc benedicite Dominum omnes serui Domini. Qui statis in domo Domini, in atriis Domini Dei nostri. In noctibus extollite manus vestras in sancta, & benedicite Dominum.* 7. Angelus idem est, quod nuncius & sacerdos sicut & beatus spiritus diuina hominibus nunciat. Hinc S. Dionys. de caelesti Hierarchia. Nihil, ait, vt reor, absurdum est, si sacerdotem hominem, Theologia quoque angelum vocat, qui prouerbis Angelica proprietati dicendo participat, atque ad Angelorum similitudinem (vt homini possibile est) per nunciandi officium nititur. Quin & Angelis præstant sacerdotes absolucendi & consecrandi potestate Chryl. l. 3. de sacerdoti

## CAPVT XV.

SACERDOTES MIRABILI MODO  
Saluatoris generatores.

5. **S**VNT quasi quidam CHRISTI Domini parentes, nam 1. illū diuino modo in Eucharistia pariunt, 2. Salutifera prædicatione eundem animis auditorum, vt ibi per fidem habitet, ingignunt: sic Apostol. Christum tanquam foetum in Galatiarum animis conformare ostendit, cum c. 4. v. 19. ita ad illos scribit: *Filioli mei, quos iterum parturio, donec formetur Christus in vobis.* S. Greg. hom. 3. Euang. *Quasi parit Dominum, ait, qui eum cordi audientis infundit, & mater eius prædicatio efficitur, si per eius vocem amor Domini in proximi mente generatur.* Ioā. 14. v. 23. *Si quis diligit me, sermonem meum seruabit, & pater meus diliget eum, & ad eum veniemus, & mansionem apud eum faciemus.*

mus. 3. Diuinæ legis obedientia & vitæ sanctimonia, spectatorum pectoribus Christum ingenerant Mat. 12. v. 50. *Quicumque fecerit voluntatem patris mei qui in cælis est, ipse meus frater, & soror, & mater est.*

## CAPVT XVI.

*MAXIMA EST SACERDOTIBVS CVM  
Deipara Virgine similitudo.*

§. **M**VNVS Sacerdotij tale actantum est, vt cum materna sanctissimæ Virginis **MARIÆ** dignitate sit comparabile. 1. Deipara corpori Christi formando purissimum sanguinem suppeditauit, Sacerdos panem & vinum in **CHRISTI** corpus & sanguinem conuertit. 2. Illa in vtero, hic in altari. 3. Ibi sine mora facta est incarnatio, hic sine cunctatione transsubstantiatio. 4. Ibi virtute Spiritus sancti & Virginis ministerio generatus est **CHRISTVS** Deus & homo, hic paraclæti ope, & Sacerdotis voce producitur idem Christus verus Deus verus homo. 5. Illa octo verbis, *Ecce ancilla Domini fiat mihi secundum verbum tuum. Luca 1. v. 38.* Christum traxit in vterum suum. Hic quinque illis arcanis verbis Christum deducit in manus suas, *Mat. 26. v. 26. Hoc est n. corpus meum.* 6. Illa attraxit infantulum passibilem, mortalem. Hic virum perfectum adducit immortalem, beatissimum. 7. Illa semel, hic quotidie. 8. Illa Christum non distribuit. Hic omnibus petentibus impertit. 9. Hic largitur Spiritum sanctum, ligat & soluit peccatores, cælum claudit & aperit, quod illi concessum non fuit. *Innocent 3. de penitentia & remis. cap. Noua quadam. Licet beatissima Virgo Maria dignior & excellentior fuerit Apostolis vniuersis; non tamen illi, sed istis Dominus claues regni cælorum commisit.*

## CAPVT